



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 23. Musulmanni multis Regionibus potiuntur.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Seculum VII
A. C. 640.

§. XXIII.

*Musulmanni multis Regionibus
potiuntur.*

Theoph. an.
28. p. 282.

Abulfar. p.
112. 113.

Bibl. or. p.
762. p. 485.

Cyri vota, contra Musulmannos concepta, irrita fuere; nunquam enim rapidius multas Provincias Victoriis peragrarunt. Antiochia capta anno 638. Califa Omar Moaviam Abusophiani filium, collata Emiri potestate, misit, omnibus Provinciis, quas ab Ægypto usque ad Euphratem occupaverant, præfuturum. Ita Syria Musulmannorum Ditioni adjecta est, postquam Romani hac Provincia potiti fuissent annis quatuor supra septingentos, ex quo eam Pompejus anno Urbis Conditæ 688. subjecerat. Exinde Damascus illius Provinciae Caput evasit, & Antiochia quæ a tempore Foundationis suæ annis nongentis quinquaginta Metropolis fuerat, sensim collapsa, hodie exiguis vicis accensetur. Anno sequente 639. Musulmanni, superato Euphrate, Civitate Edesso & tota Mesopotamia armis subacta, majorem partem Imperii Persici in suam potestatem redegerunt, Rege eorum Isdegerde seu *Pezdegird* in acie victo & Regno expulso. Is de Sassianorum stirpe ultimus fuit, atque a principio Regni ejus, nempe anno undecimo Hegiræ &

Jesu

Jesu Christi 632. initium cujusdam Epochæ Chronologicæ poni solet. Occupata Persia Musulmanni divitias immensas adepti sunt.

Sæculum VII
A. C. 640.

Elmac. p. 25.
29.

Palæstina subjugata, Califa Omar Amrulphum cum valido exercitu misit in Ægyptum, qui in illam Provinciam perveniens Mesram Civitatem, quam veteres Memphim dicebant, obsedit, eaque ad deditioem compulsa, tributum toti Ægypto imperavit. Id se soluturum cum Cyrus Patriarcha Alexandrinus recepisset, apud Heraclium accusatur, quod Ægyptum Saracenis tradidisset. Ira commotus Imperator Constantinopolim vocatum & coram populo accusatum morte puniendum edicebat; interim vero Armenum, nomine Manuelem, cum Præfecti potestate in Ægyptum mittit, qui tributum Arabibus pendere detrectans, prælio victus est, & Alexandriam confugit. Heraclius re comperta Cyrum remittit cum Mandatis, ut Musulmannos permovere conaretur ad initum prius pactum servandum, acceptaque pecunia Ægypto cederent. Sed sero, quippe aliis etiam urbibus in suam potestatem reductis Saraceni Alexandriam milite cinxerunt, cumque mensibus quatuordecim obsidio tenuisset, capta est urbs die Veneris, secunda die Mensis Arabici *Mouharran*, Hegiræ anno vigesimo,

S. Niceph. 18
Theoph. an.
25. p. 280.

Ægyptus sub
Saracenis.

Elm. p. 24.

Sæculum VII mo, id est, vigesimo secundo Dec. anno
A. C. 640. Jesu Christi 640. Ita Ægyptus ex po-
 testate Romanorum erepta Musulman-
 norum jugum subiit, postquam Roma-
 nis annis 666. post pugnam ad Actium
 ubi Augustus Antonii & Cleopatrar co-
 pias profligavit, paruisset. Alexandria
 exinde Ægypti Caput non est habita,
 sed tamen portus opportunitate & fre-
 quentissimo Exterorum concursu usque
 in hunc diem notissima est.

*Elm. p. 30.
 Hist. d' Alex.
 Vansl.*

Amrulpus datis litteris in tutelam
 recepit Benjaminum Patriarcham Jaco-
 bitarum, qui Heraclio regnante annis
 decem latuerat. Eo igitur inter magnæ
 lætitiæ signa a suis in Civitatem exce-
 pto, exinde semper etiam Jacobitarum
 aliquis Patriarcha extitit, præter Episco-
 pum Melchitarum, id est, illum qui ean-
 dem cum Imperatore Religionem profi-
 tebatur, qualis tunc erat Cyrus. Jaco-
 bitæ Benjaminò Cognomentum *Me-
 riout* seu a Mareotide tribuunt, eique
 inter Patriarchas Alexandrinos locum
 trigessimum octavum assignant. Idem
 dicunt, hunc Benjaminum triginta pro-
 pe novem annis secundum Æram Mar-
 tyrum seu Diocletiani usque ad annum
 364. id est ab anno Jesu Christi 609. us-
 que ad annum 648. sedisse. Inter Jaco-
 bitas seu Severianos Alexandria Joannes
 cognomento Grammaticus vir erat cele-

*Alulfar. p.
 p. 114.*

celeberrimæ eruditionis, quem ideo c. Sæculum VII
 tiam Amrulfus magni æstimabat. Cum A. C. 640.
 igitur Joannes petiisset sibi donari libros,
 qui in Bibliothecis Alexandrinis servaban-
 tur, dicens, hos Musulmannis nullam
 referre utilitatem, respondit Amrulfus,
 quod suo arbitrio de his libris decerne-
 re non liceret, sed expectanda Califæ
 mandata. Postquam vero de hac re ad
 Omarum perscripsit, respondit ille: *Si,*
quæ in his libris continentur, Libro Di-
vino consentanea sunt, sufficit nobis Li-
ber Divinus; si autem habent aliqua Li-
bro Divino adversa, perinde non opus est
his libris; itaque perdendi sunt. Ergo
 jubente Amrulfo infinita hæc volumina
 ad thermas Alexandrinæ Civitatis da-
 mnantur, atque ad succendendum ignem,
 quamvis balneorum quatuor millia nu-
 merarentur, sex omnino mensium spatio
 suffecerunt.

§. XXIV.

Heraclii obitus. Constantinus Im-
perator.

Joannes Papa ad Pirrhum Patriarcham
 Constantinopolitanum scribens Ecce-
 sin iterato condemnavit; quod ubi He-
 raclius Imperator intellexit, litteris ad
 Papam datis locutus est in hunc mo-
 dum: *Ecclēsis non est opus meum. Nec*
Hist. Ecclesiast. Lib. IX. E eam *Acta S.*
Max. n. II.
p. 38.